

子良詩存

子良詩存卷九

番禺馮詢

北上賦懷留別送行諸君子

疲驢繞磨鶴乘軒不算沉埋亦未遷
三載功名羣吏考五旬筋力服官年
豈能偃息空懸榻便許馳驅孰贈鞭
卻笑此行誇俸滿辦裝仍缺度支錢

十年辛苦一官迂聽奏循聲轉愧予

大計卓薦有素著循聲民情愛戴之

語受之良愧

聖主屢頒溫恤詔小臣曾讀諭蒙書
過猶未免功奚敢

拙反能傳巧不如學治半生期有用撫衷何以慰平居
茫茫四海問交遊師友凋零半不畱卑守一官朝

北闕老垂雙淚過西州

入學宗師鄉會試座
師房師皆作古人矣

了無長進

孤儒慙別有憂疑俗吏愁到底孫陽鞭策過縱非神駿
或蒙收

最佳時節事長征爲是官程未敢停紅杏在林游客去
碧天如水酒人醒纏絲舊雨還今雨迢遞長亭又短亭
便到五雲深處望故山猶有少微星

次韻和吳小我記室送別

不儒不將不公侯
恣小安卑作宦遊
歧路甚多仍合職
江湖未了敢停舟
十年辛苦終何補
數月清閒且暫偷
與子相逢誠匪易
行藏心契一登樓

宦海安危枕要操
賴君扶挽穩如巢
口談王道樵夫笑
身入名場熱客嘲
轉愧一官登薦牘
沉聞四海事征鏢
樂天職爲娛實戚
何故蕭條共出郊

贈汪薌齡秀才

世檀

兼答送行之什

汪河南人

髮便如霜志未灰
壯懷終竟爲誰開
一官痛癢關親眷

時居令親蔣鉅亭刺史幕中

百姓瘡痍待秀才
家有賜書偏賣賦
世

子良詩存

卷九

二

無知已亦銜杯北人不拾西江唾

元遺山句

何事南州借榻

來

四海論交一片心記纔傾蓋便傾襟又勞車馬江干駐
曾見詩篇洛下吟馮氏爲郎偏歲老汪家送客最情深
約君走馬馱金去富貴還須返故林

近有看牡丹之約

東蔣矩亭枕槐卿

有序

蔣沈皆余至交時蔣攝景德鎮分防府沈宰鄱
陽余宰浮梁而又將北上也一郡同官十年知
己舊雨今雨來雲去雲思之黯然遂有是作

宦愁羈思黯難勝
忽喜新歡是舊盟
對酒三人誰太白
看花雙仲得元卿
各談衷曲真無隱
偶露才鋒亦不平
直以性情爲事業
名場幾見景迂生

便將花縣作苔岑
爲政風流匪自今
我意買牛兼買劍
君身攜鶴更攜琴
湖山住好踪宜合
霜雪經多鬢漸侵
只是眼前誰覺得
盛筵分散輒思尋

寄贈蔣子瀟孝廉

湖南

河南人

平生恨不識平原
覲面論心轉鬱蟠
恐負文章徒作客
但精條律不爲官
論律一篇最精
願著易被蹉跎恨
名重翻愁

位置難著作等身無力梓爲君陳篋再三歎

莊著既富多未付梓

又以行篋不能盡載
僅窺萬一徒悵悵耳

直空餘子豁凡眸綴玉聯珠次第收一日故遲雙槳路

幾時親到七經樓

余時泊舟章門將解纜矣以有約特
開一日極文酒之歡遂出七經樓文

鈔見

推袁此事憑誰定御李先生許我否豈有機雲才

勿問少年慙愧洛中遊

望江南

一夜棟花風吹斷江南北恨煞黃頭郎操江老無力作

官莫驛官驛亭多江干看盡阻風人日日行路難草長

驚亂飛將軍胡不歸去者已遙遙來者仍遲遲昨聞青
鳥信又劫紅羊燼無端勅勒營擺作舳艫陣聞夷船又泊鎮江
朝亦望江南暮亦望江南江南古不衰惟有柳毵毵人
生行樂耳功名亦如水揮淚語羊公不如銅雀妓

喜潘桂亭

正榮

至卽送歸里

落落行藏信不羣茫茫離合豈無因筋骸試汝三千路
鬚髮驚予半百人交到忘形纔識面勞能駐足亦閒身
時予亦將北上而未成行相逢卻喜春風候雖濁仍芳是鞠塵
從來交道久彌彰卽論綈袍未敢忘嗜好古防夷狄酒

薰陶今借女兒香

承惠洋酒香珠

轉傷寥落談芳宴安得清閒

佩隱囊若使登臨隨處好不應王粲更思鄉

贈鍾仲錫少尉

岩

想君風骨認君容巧宦知君術匪工似斂長才轉精細
卻聞短簿是英雄時難只守傳家法職小仍分濟世功
廉吏兒孫貧亦例莫緣俸薄便傷窮

古者求名竟絕裾官雖傳舍勝寒廬未離鄉井先聞律

鍾籍紹興而記室多才半出紹郡

爲愛湖山暫駐車

時捧檄饒州

縱有英姿

須閱歷保無習氣更消除一枝白筆千紅幕慷慨平生

倘不虛

貧四首

貧是吾儒事嗟哉貧到官讀書謀食拙學治理財難骨
相屯無惡人情薄可歎丈夫不自保何以慰單寒

同是宦場客我囊胡獨空轉增千祿愧或爲好名窮萬
命待生死一錢關過功榜門收饋賑雖惠恐非公

晉平官恐富原寇粟猶辭美缺羊元保貪泉吳隱之鎔
銖無奈較錢穀不能知終亦身誰潤紛紛求處脂

盈虛消長理竟莫知其然便乞王孫飯偏工姪女錢平

情齊物論寡欲養生編一笑勞心者無家防盜

蔣玉峯觀察啓敷屬題奎宿堂題詠圖卷

西得詞宗綵筆書斗牛光裏認洪都諸公先後科名錄

一卷倡酬主客圖慘淡墨痕和酒重崢嶸劍氣到鐙粗

蓬萊我亦經三見觀察原唱有秋風三度憶華年之句詢亦三奉是役矣辛苦成

仙記得無

永簾雪案露闌干秋色玲瓏夜氣寒照徹白榆星影聚

種成丹桂月心歡新聲況接趨庭鯉謂令嗣申甫太史高調應

諧入閣鸞五色迷人慚俗吏倘容得失作旁觀

鄭少萊刺史

長昕

屬題看劍引杯圖照

君謂宰豐城思看豐城劍看劍例飲酒復以酒爲念嗚
呼男兒三尺必在腰折腰毋乃劍氣消縣官食飯不飲
酒似恐一飲于六條知君懷抱有利器風塵久困憑誰
試一官不必求步兵雙眼何妨見正字有杯無劍氣不
揚有劍無杯興不長咄哉作作疑有芒左攜風胡右杜
康平生心事付一紙與君共者小奚耳

圖作一童侍立得附英

雄便不凡一笑成名歸豎子我有一杯酒勸君君莫吁
劍材難得酒易沽何況君家多酒徒康成一飲三百觚

甚者死願爲酒壺君平有酒劍可無鋒鋌借酒摩厲須
中有十萬甲兵儲區區安數一鹿盧然而一揮辟萬夫
氣壓岱岳吞江湖何必張華之村雷煥之廬北燕趙南
越吳以君豪雄意概投之所向無不如

祝熊璧臣觀察我六十壽

平生風義薄雲霄一出京華萬首翹已晉烏臺披繡豸
曾遊燕市醉金貂文章上界光何遠絲竹中年興轉饒
老著刑書方述職似聞

天語慰勞焦

觀察任秋曹最久著刑部比例一書
聞人 題詩 上有老刑部之論

祝公年壽想公懷辛苦功成合舉杯儒者知兵兼講武
仁人愛物必憐才恩教小草千叢秀瑞得名花四照開
僚屬頌勲家衍德發祥根本早滋培

林桂楣司馬

福祥

屬題劍氣圖

林君劍佩美丈夫暇日示我劍氣圖自從君身有此劍
眉間黃氣時時驗憶君學劍先學書讀書殺賊非腐儒
頻年烽火驚夷劫劍亦崢嶸思出匣亂來安用買牛貲
業就乃成司馬法卽此知君氣未伸少年慷慨歌從軍
上書屢展平蠻策不用敢謂秦無人

司馬上書大府極陳必勝之策而不

見博得一官徒冗長

白香山詩司馬人問冗長官

劍亦蕭閒共偃仰

桓桓兵甲久在笥歷歷山河猶指掌君今年富力正強
安知不起羽林郎爲君一語君須記密斂深藏纔大器
切玉不切沙與泥珍重鋒鋌勿輕試

出門

出門已廿載如何又出門揮手客中客回頭言更言老
妻率弱稚客衣左右牽汝曹並是客我客胡獨憐嗟乎
生世間慎勿愛官遷愈遷去愈遠鄉里如雲烟我官仍
故我我行疑磨旋一去又十旬長安路三千兒女望西

笑此行亦徒然年年說還鄉還鄉知何年慚愧語妻孥
累爾心懸懸

章門舟中與鶴舟話別

十載共晨夕暫離愁轉增望風官渡旆聽雨客船鐙得
友貧無礙忘家老未能與君磨亦久磨到骨峻嶒

處處談登進求官亦世情

時鶴舟擬納粟

貲郎何必富豎子盡

成名色且慈親悅身終小吏輕畏難偏勸駕吾意欠分
明

舟發有作

輕別平生慣茲遊卻不然一官驚棧戀十載繭絲纏花
信已先爽三月束裝六月乃成行瓜期防亦愆生人不滿百禁得
幾遲延

竟亦揚帆去風清湖海便幸逢無事日且及未衰年江
水浮身外燕雪到眼前閒鷗與勞雁秋至各翩翩

江漲

旌陽鐵柱今無功西江養蛟疑養龍龍性難馴戰一決
江水盡作元黃血不然龍或愛文詞掀波苦索歐陽碑
萬家魚瓦一時塌有似殘鱗兼敗甲昨者舟泊大孤塘

塘邊有廟靖江王廟倒僧忙非得已醵錢建廟則王喜
豈知王喜民已悲王也親見民流離望王拯溺如拯飢
民居宜亟廟可遲有客船頭痛觸目安得萬間營厦屋
行人勿爲居人哭客亦沙行而水宿人海茫茫難駐足
嗚呼人海茫茫難駐足

金陵詠古

南人才又北人才六代興亡劫運開每見樓船悲斷綆
卻聞旗鼓憶高臺江山有幸桓溫老詞賦無功庾信哀
今日時平何所感新亭經過亦徘徊

儀徵縣阻風

五日僅一水十日僅一石舟人如畫師能事不促逼飽
飯坐垂頭撫髀似歎息置我以閒散安得盡心力偉哉
來船帆得勢虎生翼

泊舟蘆荻港蘆荻深叢叢風波不可行托爾如幘幪大
槳能蔭人入江等飄蓬一輩倘可杭濟人亦有功卻歎
蘆中人古嗟窮士窮日日青蘋末占望雌雄風雌雄何
所辨逆雌順則雄

風濤盪胷次慷慨生古悲下流金焦山上流采石磯古

今征戰場於此爭華夷每賴一帆風勝於百萬師近聞
紅夷舶來往頗有之書生不操江可速亦可遲手無濟
世權風會安轉移

綠楊城郭中遙望見迷樓無愁古天子曾此停龍舟錦
帆不仗風綵女牽纜遊至今歌舞地終古稱揚州奈何
風月場客至心隱憂憂樂不易平往事悲回頭

阻風書懷

十年宦迹歎依違忙裏偷閒且息機中酒阻風名士老
開門看雨釣人歸只謀衣食無憂樂纔入江湖有是非

到底不如鷗鷺穩伯勞東去燕西飛

揚州詠古

至今歌舞尙風流曾醉君王月下舟腐草爲螢成廢苑
空梁落燕是迷樓英雄事去徒懷古兒女情多易感秋
畢竟繁華畱不住楊花飄泊李花愁

過寶應縣

算程無計路迂迴多謝長風爲我催櫓曳市聲僻縣去
帆飛山影壓人來聚廬止水爭民命種柳成陰見吏才
轉眼大江南北過宦遊應得壯懷開

淮陰詠古

淮山屹屹水湯湯
淮上王孫白面郎
子弟至今猶在市
英雄從古幾還鄉
明知天授爲真主
悞聽人言作假王
漢代釣魚臺兩座
千秋何獨說嚴光

大江阻風換小舟
風大順一日夜
四百餘里快甚
有作

翩翩一葉笑舟輕
破浪如飛勢欲傾
半壁東南平掌視
側身天地放心行
望風低許江豚拜
到岸閒知野鷺驚
涉險或因遲鈍久
有機乘得便思乘

河上

貴於金寶輒於縣

河隄謂之金隄築隄用蘆行步輒輓

河上繁華世所傳

分職預籌河道庫開門爛用水衡錢

用稻梁密密魚蝦

戶蘆葦蕭蕭雁鷺天官職一階民萬命莫輕防潦說能

員

贈蔣家車店主人

南邊舟楫北邊轅纔渡黃河厭馬喧輒復望帘尋鄭驛
豈能投轄閉陳門離家關愛資賢主行路艱難告子孫
轉憶計偕年少日少年今更幾人存

七夕宿順河集

一月行疑一歲期，忽驚佳節悵何之。
親經河漢知遙遠，悔作神仙得別離。
洗過香車安用雨，乞來錦段不成絲。
長安望到仍天上，西笑今宵屬女兒。

下邳詠古

不惜椎空有箸存，借來便作帝師尊。
並銷漢印韓無後，能破秦家楚亦恩。
未必仇讐心遂快，本來得失事難論。
除公變化如龍虎，誰見神仙有子孫。

相傳龍虎山張天師爲留侯後人

宿韓莊

江鄉猶未遠何事氣薰人只此一湖水難澆四海塵離
家無好夢得店卽閒身多謝僕夫意殷勤爲問津

滕文公廟

衰周無令主有卽祀如神功業同分土艱難卻事人楚
齊徒自大堯舜豈能湮未盡井田法仁恩已及民
世子未爲國大賢方在途王猷一朝重吾道兩心孤歷
歷賢司牧栖栖古僕夫我行無暇謁廟貌認模糊

官橋詠古

當年長笑孟嘗君狗盜鷄鳴亦上賓明識好名非好客

窮途不可少斯人

宿南沙河

瞎馬深池古所哀雖勤王事敢相催
鐙前聽客談車覆都自官橋道上來

人缸有序

二十年來奔走四方何事不歷至
以缸載人亂流而渡則聞所未聞
見所未見也道出北沙河雨驟河漲
車不能行渡以人缸既渡思險遂有
是作

魚缸細小龍缸強巧哉人缸用更良我見人缸轉驚怪
此中容卿數十輩我行沙河復沙河河中風雨何其多
南柁北轆路不接缸乎用汝作舟楫請君入甕坐不妨
慮爾覆盆心轉怯卻聞黃河之源可濫觴壺口之流流
湯湯又聞盆池養魚日繚繞有似人生行不了以缸視
此良亦寬其肥如匏安如磐所居終竟厭局促斯遊豈
得稱汗漫眾人擁缸一人坐一人到岸眾人賀到岸偃
息仰在床耳邊尙詫河聲狂嗚呼繩樞甕牖儘堪佳胡
爲日走風波路江湖狡獪無事無不見繩行與杯渡毋

爲玉碎甯瓦全破甑何堪更回顧勸君努力且餐素黃
齋幾缸食有數

阻雨

途長途短到皆休世路茫茫不自由轉笑平生強項令
泥塗纔困便低頭

豈不懷歸官有程用勞勞直是可憐生人間快意尋常
事阻雨能安亦得晴

雨後望鄒縣諸山

盡日沉陰羈車路雨汨沒埋頭垂車帷好山皆棄擲行

行入鄒縣峯巒忽絡繹有如五百年間氣一洩發霖雨
但濟人不沒名山迹巖巖古氣象化作奇峯石石又斂
精華黝翠作鐵色時復露青青千年萬年相望之了了
然變化復不測元氣自渾淪豈肯事刻劃嗟我孔夫子
歎無斧柯力如何類削成龜蒙與鳬嶧因思名山川聖
賢之手澤腐儒不出門苦守舊經籍高山遠仰止曷若
親閱歷轉爲茲山幸得近聖賢宅

兗州感舊

有序

戊戌春予由濟南攜眷之官江西時王子梅隨

任曲卑使數人邀路餞予於南樓忽忽又十載
矣戊申秋北上路復出此尋舊餞旅館漫不記

憶感舊作詩

餞送依依處十年今又經身兼家累重跡爲故人停別
淚杯中酒潯形壁上鐙回頭竟何事添得鬢星星
欲住不得住我行途正賒南樓尋舊館北斗望京華夜
雨黃泥坂秋風紅蓼花懷人感遲暮幸勿滯天涯

兗州城外道旁有達巷黨人里碑阻水感賦一絕
滔滔皆是欲何之繞轍迴轅路路歧除卻里閭無達道

摩挲重讀黨人碑

汶上縣感子皋先伯兄舊治

舊時城郭故依然可惜王喬令已仙池館莫尋畱客地

兄於署中築畱清池館里閭能說去官年爲求鋤惡先傷手兄爲政以

捕盜賊究訟師爲首務然卒以此被議幸免擔憂且卸肩到底無田歸不

得得歸何戀汶陽田

重有感

我亦風塵鞅掌來爲尋陳迹轉愁催明知舊夢都如此

又食黃梁飯一回

打尖卽行也

卽事

得馬亡羊作麼生磨人名利太無情
浮沉負擔貧資水
長短停車倦破程
阻雨阻水土人索錢
東國濁醪宜
平
味西風絃管又商聲
無端也復牢騷發
哀樂由來不易

東平州題壁

捧檄翻思橐筆遊
廿年書劍謁諸侯
盤旋爲我遲三宿
斗大何人領一州
雲霧黯消鷹放眼
風塵勞甚馬低頭
梁郎老便誇榮貴
壯不如人已可羞

店中大雷雨有作

異哉愈策愈不前雷公催車電加鞭雷電成人亦坎坷
行路之難何者可眼前已喜得康莊意外忽復成滄桑
叱水倒行上天去盡入天河不爲雨不爲雨恐耕者愁
爾胡不耕爲遠遊禾黍芄芄旣霑足恩澤太多亦非福
願停雷車乞天憐我行只爲家無田

石橋謠

有序

石橋爲雨水冲破土人索扛車錢無算行客盡
阻子良子作石橋謠

橋上泥石之皮皮剝盡骨獨支橋上水跨橋起石不爛
水不止橋上車破橋趨車如龍化爲魚橋上馬重車駕
不得上不得下橋有人怒信信予以錢笑欣欣橋有客
聲唧唧行路難立道側橋有官橋不看水灌城有城門

打棗行

我初北道行棗子垂青青行行倦無力棗子色變白力
盡困且窮棗子色變紅東鄰棗大西鄰小大棗小棗打
不了西鄰東鄰隔一牆悞打鄰棗鄰誼傷棗人以棗爲
喜怒棗子落地乃無數卻思種棗曾幾時種成棗樹嫁

女兒嫁女作婦廟見儀棗實加遵
脩酒卮轉眼女兒抱
兒女嬌啼索棗不忍拒嗚呼團樂樂如許胡爲輕棄故
園土棗青棗白復棗紅居人滿筐行篋空棗子語通生
子早豈知早子亦早老願君看著棗開花年年打棗不
離家

東阿縣

新縣崢嶸舊縣孤風流輪轉要人扶曹家詞賦佳公子
齊國功名古大夫入境濁膠隨處有出山頑石可能無
連日山路險隘行人莫爲重瞳泣千古英雄骨盡枯
至此出山矣
道旁

有楚霸王墓碑

弔西楚霸王

無面還鄉語可哀
何曾父老解憐才
江東豈遂無消息
坐視王亡不過來

往平感舊

歧路相逢士女親
舊曾行處輒傷神
漸來燕趙多遊俠
忽感原嘗是主人
簪履敝時猶在意
笙歌叢裏早抽身
板橋驢背君思否
得失無關去住頻

予曾遊幕東郡此固數往數來地也

腰站

風沙磨礪石嶙峋路人

皇都盡要津百里漫爲投足地一官慚亦折腰人
鐙前出匣看新劍塵裏停車感舊裊又是十年身世夢琵琶
聲斷黯傷神

德州

行盡青齊是此程一河兩岸結州城萬家鐙火魚鹽市
四海梯航粟米征飽有盤餐欣歲稔悄無刁斗見時平
桑乾忽憶前時路不斷車聲似水聲

宿阜城縣

驚疑雜笑歎擾擾僕夫喧泥裏客出險雨餘車入村滅

程惜驟馬占屋惱雞豚作宦卽懷寶危聞祛篋言昨宿苦水

浦有客以被盜留滯店中行路嘖嘖皆有戒心

否泰尋常理循環亦不淆幸離苦水浦且樂阜城郊飽

我是糠糲底人偏草茅艱難成大器自慰自譏嘲

領路錢阻水領路里輒百錢

無人援引豈能前失路英雄枉著鞭一步飛騰酬十萬

古來原有導行錢

車中吟

晴車難火焰山雨車苦蟄蟲戶車塵開墮劫灰車雪結
馬足裂雨晴塵雪安得止除非溫飽守鄉里車班班上
長安長安道求官好年年求官客不休有官無官皆白
頭

富莊驛

單袂初秋試客裝傍山臨水驛清涼居人生長知行路
老吏投閒當隱莊槐柳夾途經雨綠黍苗登隴見雪黃
聽歌也警繁華夢倘是邯鄲學步倡

河間府

慚愧粗官是腐儒勞勞偏訪獻王居一朝朱郎周封建
萬卷青箱漢賜書太史猶云走牛馬壯夫何用註蟲魚
憐才卻轉思賢相聞道門多問字車

謂紀文達公

任邱道中

一堤千萬丈界破青與黃青者爲蒹葭黃者爲稻粱拂
以楊柳風藹藹流翠芳堤下舟何逸堤上車何忙豈知
車中人心目皆清涼晨晷及夜鯉二者味亦常逾月不
可得得之倍甘香人生適意耳何行復何藏

涿州

帷車盡日歎沉埋到此偏教壯志恢一郡山川塵裏見
九州人物日邊來倦防鞭影蹉跎悞老被鈴聲絡繹催
涿鹿古傳爭戰地時平循例亦墩臺

將抵都門店中醉筆

不知何路學翻飛骨是勞薪鬢已絲大地山河趙北口
少年風月魏南皮一生潦倒猶能醉百念消除只剩癡
忽見金臺悲郭隗昭王恩重報無期

反行路難

人生不出門安問東西與南北山可以無平陂水可以

無通塞嗚呼登山臨水忙亦閒人生行路殊不難路有
五侯第萬里封侯致顯貴路有黃金臺黃金不盡不歸
來行路讀書子龍門著作古太史行路地行仙向平五
嶽身歸隱說與里兒悔已晚苦守功名老戶限嗚呼行
路非難所難乃在肩曉間箇中城府心波瀾炊金饌玉
荆棘九獄訟其終飲食始干戈每起於床第膏粱醉夢
日埋頭出門不辨馬與牛容足以外地可止人生胡爲
至於此嗚呼行路之難特難耳不行路恐憂幽死毋爲
守財虜甯作浪遊子

樹立圖爲福厚齋

福格

宗世講屬題

厚齋旗人姓馮

大樹仰宗風芳聲期勿歇樹人須蔭人豈但謀自立然
己立不能於人更何及別君逾十年想君好顏色喜晤
示此圖云是少時筆抱雖未十圍勢則已千尺枝茂必
根深君意在閱歷一官久豫章我材愧樗櫟羨君玉樹
姿卓犖吾家傑結交皆老蒼樹立甚宏達朗吟工部句
見圖轉游繹勉君益自勉願各勵根節

伊猗君光丞

伊湄

年丈屬題潞河送別圖

潞河古津隘來往客駸駸送別三秋色封侯萬里心樓

船竹箭浪旗旆柳橋陰投筆慙無術因君慷慨吟

王子梅屬題春明六客圖

有序

憶與子梅及其令叔秋槎同客濟南極友朋觴
詠之樂別忽十年今秋喜晤都門出此圖屬題
圖中除子梅外無一識者今昔聚散感何可言
愧我無緣入畫中何人更補竹林風長安沉憶天涯友
癡叔于今亦贅翁

謂秋槎入贅
曲阜孔氏

難得三三徑復開披圖猶喜共銜杯座中客有雞林者

不爲求詩爲甚來

中有高麗詩人

戊申八月十五夜恭候引

見宿

圓明園外

旅館步月有作

桂殿槐宮望儼然風塵能到亦神仙

九重帝許同天闊萬里臣來待月圓不負良宵須美滿
想經

恩賞更嬋娟此情他日成追憶獨對寒蟾夜忍眠

出都

得出長安敢戀居黃塵烏帽舊疲驢粗豪醉有屠沽酒
寂寞歸無宰相書易水波聲塵土外薊門山色雨風餘

非因名利朋何合轉念茲行尙不虛

謂王子梅福厚齋諸君

採棉歌

四月種棉九月收秋風吹地秋雲流大顆小顆白玉毬
織織女手採盈掬採歸織布市頭鬻富兒不以爲衣服
貧家衣食全仗棉歲稔棉豐不值錢豐不值錢歎更苦
將棉盡賣救饑餒手種棉花衣人聲蘆絮可憐凍殺採棉
女採棉女凍勿憂嫁得貴人著貂裘蒙茸裘貴敝裘賤
大布之衣終不變嗚呼一裘萬丈寒仰人不如種棉能
自溫

寄贈福厚齋筆帖式

長安大馬高過人馬頭叫風馬尾塵巢由馬首亦下拜
紛紛餘子何足怪吾家福郎燕趙豪能馭劣馬馬不號
亦復卓立森天骨少年神駿偉無匹十圍只合佩刀弓
一官胡爲困紙筆

本朝開國以武功文臣往往知兵戎旗員於國親且貴
翰林可以充侍衛思君此官良匪輕漢朝刀筆多公卿
卽今筆政從頭數

筆帖式
稱筆政

十年幾輩成開府羨君出入

依王家王之喉舌王爪牙職要能知溫室樹身閒或掃

宮門花憶我與君久離別相逢卻不談勲烈一編示我
新吟聲得毋謂我爲書生談兵杜牧詩名重爲君論詩
須有用看取君家綠野堂詠月吟風皆雅頌

謂令祖文肅相國

夜抵舊縣

夜深打門人馬喧主人駭極向客言今年平地作坎珂
北轍南轅無一可夏秋百日淫雨淫千山萬壑成陸沉
此間磴道本險絕電擊雷轟倍決裂折牛搥馬何足論
啾啾新鬼哭黃昏獸蹄鳥跡亦罕至夜客遠來能勿異
客子乍聞疑轉驚主人所言殊未經回頭便欲問僮僕

僮僕摧積已睡熟起程入夜拼一奔深谷高陵何處分
嗚呼人生胡爲至此極履盡危機曾不識反令旁觀聲
嘖嘖得出憂虞更求食食飽仰屋尋復思記出長安曾
幾時長安華屋皆高貴五侯門第親見之銀鑿落鬪金
屈卮紅糴瑜映青障絲沙隄複道列駟馳下走馬亦錢
參差肥甘腐腸輦歷痿富貴殺人人不知自出長安勉
行道飲食起居都草草雖無文繡與膏粱亦免利鎖兼
名繯謂死安樂生憂患豈知憂患仍難辦眼前黑漆已
如斯何況茫茫歧路歧嗟我久行亦經慣出險能安且

休歎作詩聊誌指爪痕此是東阿之舊縣

徐州

龍爭虎鬪事全空城郭猶餘想像中
南北山川荆土地古今人物漢英雄
千家入暮蒙臺雨萬里悲秋敕勒風
自是彭城易悲感興亡何獨在重瞳

途次口占

往回歧道走恁恁畢竟南邊興不窮
最憶初秋湖上路

梨溝殘月柳泉風

梨溝柳泉皆地名

鳳陽

奕奕中都古上腴昔聞今到感停車千家生聚甯無牧
四海流亡屢見渠徙邑蔡侯經國計古下蔡地灌田唐代活
民書唐書地里志鳳陽有千人塘可修以灌田帝王起處終天府想見塗山
玉帛餘

定遠縣道中

已切歧途感偏驚物候新客程初到處宦海未歸人江
國船爲市山途石是塵漆園竟何地作吏豈閒身

烏衣古巷

父老談猶似有光烏衣曾是錦衣鄉豈知美不關門地

長者原推馬糞王

二郎河

二郎河郎何去河水無情勿向郎語噫河風波行不得
哥哥瞻望伯兮二郎奈何有兄有妹以恩以愛泛宅爲
家弄潮結隊郎勿愁河有舟郎勿喜河無底自古至今
匪淨則沉河之面二郎之心

元將軍廟

元將軍以功聞定江王以澤長功在一時澤萬世波恬
浪靜江湖利惟繫有帆翩翩翻翻惟鼉有鼓歌歌舞舞

將軍來殺運開將軍去靈光住蹈海不帝秦魯連乃將軍之前身泛湖不仕越將軍乃范蠡之後轍豈徒附鳳與攀龍紅羊劫盡仍貝宮君不見同湖康郎山頭廿六忠忠臣雖神事已空風起雲屬山椒海角將軍之靈奕奕如昨

奉和吳甄甫中丞

文鎔

重修滕王閣落成元韻

勝地能來是俊遊迢迢楚尾又吳頭卽看山水形如掌曾作君王舌與喉蝴蝶夢回花入畫鷗鴟聲斷酒添籌國朝龔芝麓滕王閣繁華閱盡驕侯歇轉爲詩人助唱詩鷓鴣聲斷驛書遲

酬

彈指樓臺集腋金不愁徭役眾難禁

修閣經費中丞倡首方伯廉使觀察

南昌太守南新兩縣大令以次捐貲義助不勞民不傷財千秋大雅扶輪手一點靈

光弔古心望裏水雲飛檻外却餘文字訪碑陰

閩燬須於火

知王後才無限彩筆鸞箋次第吟

一朝文物一朝模今日唐賢豈遂無澤畔才多應是梓

湖頭秋老未愁蕪軍門句出家家誦監簿圖成代代摹

宣和畫譜有郭忠恕滕王閣王勃揮毫圖應教問誰如沈宋樓前飛紙或名

糊

煌煌卿月使星懸下吏同瞻覆幬天傑構長標自今昔
散材經斲亦方圓風塵湖海人千里煙雨樓臺屋幾椽
勝會不常仍有數落成重九恰開筵

題陞吳城同知

十年官老一階移碌碌因人愧受知自笑不能爲巧宦
浪稱司馬恐非宜

首郡分防號劇繁卻聞凋敝撼狂瀾時方患水龔黃側畔難

言政

東坡句

未敢閒曹視此官

子良詩存卷十

番禺馮詢

登望湖亭小飲鴻雪軒

登臨難得況名津莫問前塵與後塵
泥雪便留仍幻跡湖山雖好要閒身
食貧蝦蟹能供客住久鷗鷺漸近人
卻語匡君畱面目萬緣如霧不宜真

題畫紅梅美人爲賴虛舟屬

自憐形影自爲容惆悵天寒日暮中
光豔借鐙濃借酒晚粧催到十分紅

丹青聊託爲傳神送媚迎愁轉自嗔似恐朱顏容易謝

一枝持贈未歸人

時虛舟方作客

答廖夢峯

有序

別夢峯幾廿年矣傳聞之誤謂作古人忽接詩
函狂喜不已時夢峯僑寓章門而將赴津門也

賦此以答卽送其行

是真疑假轉模糊新信傳來舊病蘇惡夢忽醒良友在
交情到老近人無驚多喜出灘惶恐歧甚終尋路直沽
若問生涯吾愧煞一官依傍學分符

小除夕得蔣矩亭詩函百感紛來率賦三律以答
已將貧宦當閒居窮極無聊又歲餘萬念何時大解脫
一年今夕小乘除心多莫定謀生計手熟頻揮卻債書
春水正生潮美滿可憐人歎食無魚

升沉難定世茫茫食祿人生固有方悞中副車仍幸獲
未收殘局更登場塵勞易倦甘牛後風便何功笑馬當
卻莫江湖輕冗長也曾名姓達

朝堂

撫時長念舊朋簪況感殷勤寄遠函我酒欲澆無趙勝

君詩頻讀似何戡
頃纔彈指忽半百
交可論心只兩三
無限傷春傷別意
豈宜重唱望江南

舊作望江南一首
頗爲同人贊賞

陸虹江廉訪

元煥

命題竹所尋詩圖

圖爲由貴州
陳果來江右

時所作圖中題
詠多道去思

瘴雨蠻烟吹不起
使君懷抱清於水
翩翩移節入江來
楚北黔南天萬里
戀公最是竹馬兒
送公爭唱竹枝詞
十年種樹談何易
無人種竹知公意
萬間望蔭在眼前
千畝羅材入胷次
琅玕風動直且清
并入柏府爲詩聲
門館無私晝蕭瑟
慘淡敲詩如判律
詩成愛竹尋復看

校校骨重兼神寒竹兮骨重神寒葆汝質公將用汝爲
白筆

送伍明生姻丈

葆光

偕允平姪入都

遲暮逢君感慨深江湖畱滯且登臨三春綠水江淹恨
一角青山謝朓心亂想鄉園真幸免老談仕宦轉沉吟
風高浪遠行休怯去作雲龍是此音

示允平姪時北上謁選

老宦得閒曹自分功名了恃有好子弟奮起各矯矯矯
矯卻遲遲人事難測曉吾家世儒宦汝以軍功保夷人

不靖

姪以從軍得保薦
雄冠曳花翎
弓粗襟袖小
喜見汝崢嶸
轉愧我潦倒
奈何既得官
數載始就道
咄哉功在國
乃爲家累擾
四十古強仕
今則須少好
汝叔令十年
擢反置江島
投閒望汝起
及我未甚老

題廖豸峯詩集卽送遊天津

才能殺嵇康
不殺便榮名
憂能損孝章
不損便長生
嗟乎我豸峯
一身萬險經
別久傳異辭
語語足涕零
君尙在人間
此局知未停
豈有未著書
窮愁勉虞卿
抑爲東野囚
天將以詩鳴
人生天地間
誠難與命爭
奈何雕蟲

技亦使磨蝎懲思君誦君詩意必鳴不平咄哉七十翁
出語何娉婷金戈鐵馬場乃有絃歌聲擊碎鐵如意化
爲鸞玉鏗非惟醞釀深實關識力精造物縱忌才不忌
才逃形百劫不成灰磨礪完君貞一官困十年嗟我勞
塵征選擢反間散江湖寄浮萍青衫無窮淚一半爲君
傾讀詩忽憬然轉自慚凝情兩大何其寬俗士徒硜硜
何時一樽酒與君重論評長蘆多高風直沽秋浪騰悲
歌送君去萬卷萬里行雖然君老矣世路防峻嶒

送黃樹齋少寇北上

天下誰三策山中又十年側聞馳露布曾見斷流鞭動
靜關元氣春秋責大賢卽今

宵旰切臣意敢高眠

且勿談經濟高吟亦壯遊風流諸大老湖海一扁舟枕
上徐陵筆樽前庾亮樓過江才不少次第待公收

送鄒鍾泉觀察同年

鳴鶴

督運北上

南北聲華次第收萬人翹首望斯遊屢援飢溺司倉庾
恰到江湖作楫舟柳惲退衙詩卷在杜陵憂國稻梁謀
綵衣公亦尋常事生長吳中早佩鉤

湖山厯厯路迢迢壯觀能令逸興招滕閣旌旗新部曲
梁園觴管舊賓僚雲泥到我如天隔塊壘逢公似酒消
聞道寒灰吹得暖眼前春色已陽調

吳城公譙席上呈鍾泉觀察卽次觀察遊望湖亭

兒示元韻

經濟文章別有真偶聞高論豁襟塵書傳海內交遊重

出示復兩粵徐制軍書
備籌夷務具見憂勞

酒散風前笑語親誰識此中容

幾輩卽論餘事了千人鉅公遊譙關憂樂轉幸湖山得

好春

長女將歸囑于歸向予求詩集曰此後讀詩如見
阿父平生也聞之黯然題一律於卷首與之兼
以誌別

世俗誇匳具求書有幾人婦賢甯重學汝意在思親卽
論知書好猶能寄信頻鐙前曾口投念此轉酸辛
付汝詩全本平生事盡知纏緜開卷日彷彿在家時生
女亦成立茲行非別離門楣光要早我已鬢如絲

招余少寬先生陳平齋處士余伯華世講史覓仙
壻藹廷族弟登望湖亭遊鴻雪軒詒盛玉豐置

酒隨侍席上呈同遊諸公

鴻雪留痕在今朝到此軒

玉豐時年十一歲受業於少寬先生是日先生席上謂予

曰此予今年學作詩矣即席命作此起二句也以冠童其尚是詩人吐屬用而符之爲他日學詩之證

三月樂湖海一亭尊種樹新陰得披苔舊句存

璧上舊題頗多

狂瀾誰手挽相與覽平原

去歲大水吳鎮房屋傾圮過半今春始畧修復

楚尾吳頭接青蔥顧盼間何人測蠡水此地見廬山勝

會情難捨

寬仙壻謁廷弟皆將賦別

冗員身易閒看君陵絕頂挹袖

列仙班

鴻雪軒懷張春槎蔣矩亭兩司馬

遶壁巡牆覓舊塵塵中題詠尙如新便聯文字爲知己
敢領湖山作替人已往雞蟲空得失肯閒魚鳥亦來親
無端忽動行藏感曾送歸帆出要津

春槎還山予
曾作詩送別

與霓仙壻論文有贈

也算傳經入絳紗殷勤問字學侯芭尊前笑語新賓館
柱下文章舊世家老我更難拋眷屬俗人猶解重才華
塵勞已愧昏雙目幸識韋臯尙不差

懷吳小我記室

未定窮通未了因豈能蹤跡住浮雲十年忽換仍爲我

一榻長懸轉憶君，便識人多交卻寡。誰言官冷念如焚。

寄書更請重看劍，鍊出光芒又幾分。

曾爲吳題看劍圖照

寄贈史鰲亭大令

致祥

親家

半百年何遽三千路，正長塵埃今捧檄。風雨舊聯床子弟，甚俊秀朋儕皆老蒼。政餘論文字故業，豈能忘寄示詩文公累兼私累。吾愁不可刪，味同雞肋淡官是馬曹。閒與子且前路，幾人能故山。側聞書治行咫尺近。

天顏

大令方觀

紀事二首爲鄱陽令沈槐卿司馬作

打邪神

聰明正直之謂神神不能神反畏人我思神何與人事
有人欲打有人媚五通夜遁三老驚邪神亦借驅邪名
舉國若狂廟諱飲邪神惑人比邪甚縣官鞭扑施打神
要民知一打奪神福再打奪神威作威作福總一炬烟
銷火滅神無語吁嗟乎頑民愍不畏死視官如仇家神
能伏法神不邪或神捨身將報德不邪何以顯官直治
人治神無二情神君賞罰一以誠非然者但威令行恐
神視汝於無形君不見堂上呵叱官怒叫堂下擲掄鬼

冷笑

懲奸僧

奸僧南無日叫呼無中生有無事無空門富貴何由致
黑衣宰相黃金地襍肉暗上香積堂流毒遂至酒色荒
殘鐙照屍作傀儡尙能做孽人人罪吸食洋烟包攬詞訟使君置
汝於青雲云何地上日競奔彰明戒律榜以紙一僧遭
劫萬家喜嗚呼奸僧害人猶易治平聲高僧害世深可危
空空色色是耶非此事恐非奸僧知一塵不染六根淨
豈知隱滅人性命能奴帝主師賢聖何畏區區一縣令

願君努力道戰勝

送史麗仙壻

亭悠

偕長女歸樂安

廿年聚忍一朝分
生女明知是外人
苦我殷勤呼半子
念渠嬌小別雙親
略通詩禮終防拙
初試羹湯恐未勻
從此雞鳴聽不得
勉圖榮貴要艱辛

揖鏡圖照爲朱屏山參軍

美鑒

題

君有人倫鑑鑑人先鑑
已借鏡寫君照示我圖
一紙昔君與我同塵中
不敢照鏡羞塵容
鏡亦千磨兼百鍊
鍊成照膽求真面
面目有定仍無憑
昨日少好今老成
風

骨羨君能卓立即見公卿但長揖無端南坐北面朝恐
鏡轉嗤君折腰紛紛媚世殊堪怪荊州一識方三拜君
知求己勝求人相對奕奕如有神吁嗟俯仰隨人世不
及鏡兮吾已愧鏡能直道以事人閱盡世人無忌諱

寄長女

記汝哭一聲阿爹我去了維時一家人擁汝淚齊掉舉
首忽呼我使我心如燎嫡母及生母愛汝若珍寶眾母
亦一心提攜共兄嫂弟妹更依依撫摩自襁褓旁兼悅
親戚下且遞婢媼汝實令人愛性慧而心小亦由汝母

賢助我家和好愈好別愈難愛極痛互抱憶汝生粵中

僅及歲一適我時將赴選挈眷山東道

子皋伯兄罷官後留滯山左

攜眷北上同寓濟南

汝伯汝祖母戲汝作娃嬌嗟我未得官時乖

運潦倒骨肉慘相連

伯兄四弟先後溘逝兩慈亦相繼見背皆在濟南寓中

衣食

窮不保我又走四方棄家如蓬葆歸見汝轉憐飢餓索

梨棗今汝既長成回念實苦惱愈苦別愈難舊事重尋

討自我得薄祿稍稍識溫飽知縣又極難塵牘埋頭腦

永豐而浮梁十載都草草縱得攜全家歡聚日甚少時

聞母稱汝淑女真窈窕昨歲擢同知官閒無瀆擾可以

家庭樂兒女膝下繞卻恨債如山累重無計掃汝又爲
我愁神前暗祈禱噫嘻女則賢我父慚且老今春壻入
贅念別我心燥忍燥作緩語誇汝鍼綫巧招汝戲葉子
共汝餐香稻意謂亟團團樂團樂悔不早來日期緜緜去
路望渺渺痛詞便止此大義卻須曉平日教詩禮爲汝
婦道者翁姑俱歡喜父母何憂情況喜汝壻佳臨風玉
樹皎從此光門楣瑞氣已先兆紙短心甚長期望溢言
表

道光己酉自四月遞六月吳城水漲積至一丈八

尺有奇土人言百十年所未見也予方分防是
間新建彭小山大令絡繹書來問民疾苦因書
所見得雜言六章以報兼呈同人俾知今年吳
城水患如此

天空海闊無地容一落江湖成長去聲翁長翁胡爲亦受
職江湖之禍不可測拉朽摧枯盪野平塗鳥鼠入罟蝦
蟹扶輿嗚呼吳其爲沼乎嗚呼民其爲魚乎

雨長一尺晴長一丈謂雨助潮潮逐晴上風波豈以晴
雨分恩威過用皆殺人燕雀處堂不知死床第之間有

禍水

萬流一束礮子口

湖上地名

地師相吳曰利藪市人只怕漏

后漏豈知撲滿滿不受茫茫此理誰參透大禹能疏利
長久千秋萬世生財手

閉門欲避不得避冒水打門有人至乘危鬪奪民爭利
有官安得閒無事煌煌禁令視弁髦卻悟此官爲閒曹
君不見縣官高頭板簽下能馭強徒如馭馬

老妻憂時亦可傷典衣買米愁空箱揣量妻意備水患
老夫豈是自了漢小女邊堂垂釣絲亦復日得百魚兒

小兒挾書上學去先生飄泊不知處一家分處寄林梢
日出聚語如散巢一官我已輕如匏升沉且任浮浪拋
老吏支持作規矩浪裏沉沉報衙鼓

量深測淺沿河看老翁扶杖來語官謂身已近百年紀
未嘗見有如此水老弱溝壑轉可憐得毋官請水衡錢
嗟乎一鎮聚萬命朝生夕死誰能定爲語老翁忍須臾
昨接縣公存問書

公署被水假館視事早起聞人言嘖嘖曰老爺門
神飲水矣蓋公署漲痕已及門神齒頰也感而

作詩

嗟哉神何辜淹滯使守門此門冷於水飲水神可歎主
人愧謝神對神敢有言請看貴者門出入皆高軒獅猊
亦助威長鬣呵叱喧爾神若守此得近鼎食尊請看富
者門北落流天錢一過三十萬廣州財如山爾神若守
此得附膏粱餐又看高士居門雖設常關蓬蒿掩仲蔚
風雪閉袁安爾神若守此飲啄同鶴閒奈何守此門此
門屬冷官亦復立屏衛跼蹐如籬藩亦復走吏胥僂僂
如病孱門外雖近市外強而中乾飲此一杯水官困神

何歡世上高門多何不另投奔神也亦有言主人心勿
煩不曰則須朱丈夫志自堅賀門弔在闔世事亦無端
有守卽有位豈能見異遷隨波而逐流何處非危淵斯
言不愧神我聽益致虔是宜報俎豆豈特陳一樽一樽
老爺水老爺水見梁藥亭詩老爺謂河神也惟神其鑒焉餘滴轉醕柱祝
柱更有論勿壞人棟樑爾當柱石間昨者暴漲生牆宇
半毀殘非神自持戶公署誰防閑語罷恐神怪怪我舌
瀾翻出門一長笑大江橫我前

江西十景

滕閣高風

霸氣才豪一例銷
人生行樂偶招邀
江干多謝閣都督
從此重陽不寂寥

徐亭烟柳

千載高風一撮泥
雨中垂淚眼長低
不知閱盡人多少
成就湖頭萬柳隄

花洲春曉

春色如斯得幾朝
賞春人散地蕭條
榜門二字書蘇圃
豔福還歸處士銷

東湖夜月

遊展熙熙鬪士夫晚來散盡水雪孤飽餐風露漁人笑
與客平分日月湖

西山疊翠

蒼茫巖殿隱旌旌聞道眞君此降靈歲歲仙觴餘滴潑
染成十二洞天青

南浦歸帆

紛紛求利與求名入暮齊聞轉棹聲無數興亡歸便了
船頭閒話灌嬰城

潯陽秋泊

不知何故便懷然紅樹青山白露天
讀得香山詩一首可憐熱宦亦停船

廬山瀑布

萬丈千尋束一灣匡君洗耳儘清閒
無端放出山中水遂使浮沉滿世間

白鹿古洞

大道從來無盡藏深深雪洞意蒼茫
卻教仙佛都迴避賴有千秋一講堂

麻姑仙壇

狡獪能飛彩霞仙人可笑亦堪誇
登壇何不期晴雨
撒米成珠活幾家

呈費鶴江中丞

開殺

移節仍畱擁灌城

詔書纔下聽歡聲
寇恂便准民間借
郭伋何勞野外迎

由方伯坐陞

岳牧政成思述職

朝廷恩重許專征
獨操鎖鑰安危賴
坐看江湖萬里平
新頒茅土舊棠陰
一樣涵濡已作霖
飢溺本來千古業

憂勞如見十年心

中丞莅江十載德入人深比年衆楊江水爲災撫恤憂勞民尤被澤

校射春旗動紅燭判書夜漏沉

聖主酬庸民望澤仔肩逾重慮逾深

想見休休度有容用才雖異愛才同英雄當代誰爲主

料理斯人要仗公不負

聖明酬俊又能收寒薄望尊崇雄州十四材多少慚愧

名登啟事中

詢蒙恩保薦卓異題附吳城同知

門館無私路有碑戀恩偏在位遷時

帝推心腹方畱守民浹肌膚況受知豈盡栽培同鼓舞

爲難報稱遲疑歌功頌德防非分或者容陳感遇詩

贈姚石樵三尹

鎮

家世江東第一流羨君才譽早年收詩歌跌蕩唐丞尉

雲雨迷離楚宦遊亦有指揮聊放筆

善丹

未能停泊且

同舟

時同官吳城

吳儂也作哀鴻歎誰道斯湖是莫愁

頻年水災

贈王晉英孝廉

家珩

才名藉藉度翩翩曾列

宮庭德望懸

任景山官學教習

聖主已尊夫子鐸里人猶識孝廉船青氍毹獻傳家物

惡讀
家集綠鬢機雲入洛年兼謂令兄柳坪刑部纔自香鑪峰下過

氲疑帶退朝煙

四海論才久寂寥年年迎送駐江郊通津作吏思延訪
過客投詩許訂交清論乍聞罪似玉滯蹤長歎繫如匏
憑君奏賦倡時俊不負

承平起鳳蛟

贈王柳坪刑部式言卽送還朝

一官清要十年經功在

綸闈久愈榮軍機處行走身擁青綾酬夙夜手持白筆見平

生似聞慷慨論時事願以瘡痍付此行到底江湖思
魏闕有人攬轡望澄清

宦遊無計得還鄉話舊逢君轉激昂便喜虞翻添著作
可能陸賈富歸裝臨風荔浦情猶熱聽雨松園韻正長
同學敢稱吾愧甚五陵衣馬極輝光

夫子詩知
忝附同門

鄱陽卹災圖爲沈槐卿司馬題

鄱湖已酉災談者先變色勢欲東南沉半壁

浙江江蘇
安徽湖北

江西皆
患水

江流大如此鄱湖一勺耳一勺乃不測湖水連

江起秦灰漢燼百劫空番君創郡何其雄無端忽眩望
湖眼城頭不沒僅三版人牛萬萬湧山巔不知人世復
有田富兒據石歎唧唧眼見膏腴不得食衰翁血竭扶
行屍白足寸裂蹲荆枝衰嫗皮枯露冷齒頰貯乞餘偷
哺子嗚呼死者長已矣生者顛連安所止菜根雜草芽
饘粥充泥沙信知一飯恩可活千萬家此一飯恩何處
得使君典衣之所出典衣只可救目前上書急請活民
錢沈侯愛民比兒甚從此鄙民都姓沈朝奔夕走足不
停功成倏見履滿庭

災民被澤時適公子
周歲爭進履以頌

爲官洗兒進

兒履斯民有命官有子我聞此事大歎呼治水不問兒
呱呱飢若已飢溺已溺沈侯讀書志禹稷先慘後歡娛
此景何可無試憑周昉筆圖爲周茂才家鈞作爲繪鄭俠圖圖成
轉使君淚墮豈以官聲樂民禍我卻馳書爲君賀爲君
賀水如賀火

題沈槐卿衙齋圖畫

偏是無華吏精廬築更工訟庭容草綠幕府例花紅此
意千間屋何時一畝宮也須勤拂拭門外卽塵蒙

花洲銷夏圖廖書五觀察

慶雲屬題

東湖百花洲舊是講武池太平洗兵草魚鳥供游嬉
我觀察公駐節時於斯乃公舊治昔宰今監司政成
百廢修此館尤愛之花柳媚主人努力呈光輝而公曾
萬兵手獨一竿持公意豈羨魚持竿有所思先憂而後
樂魚樂能弗知今夏江爲災山沒田廬夷眼見民其魚
公親撫流離以茲垂釣手可拯民溺飢及秋龍門開多
士魚貫歸惟公任監試網才重防圍以茲垂釣心可盡
珊瑚枝古者一遊豫元老徵襟期平泉古名園風流今
在茲大抵功旣成乃卜隱莊基誰歟炎赫中能效清涼

爲公果募筮屨豈肯張旌旗行臺隱森森但見澄綠漪
荷花四面開楊柳八風吹公也坐披襟令人忘繡衣熱
非公帶來炎夏公不疲此意何人會會者惟畫師

又題書五觀察十瓣蘭圖

花開十相重於金恰爲宜男報好音種德直須全力種
善根靈草識公心

王海樓大令

勅

屬題好消息圖

圖繪梅花十數株
花下列數美人一

吹簫海樓
屹坐以聽

忘卻冰霜雨雪侵冷香圍住豔成林如何一疊溫柔曲

化得槎枒鐵石心

老憶笙歌年少場江湖飄泊轉堪傷雖貧莫賣王褒賦

畱待花前教女郎

後堂女樂校書頻校到葩經倍自珍誰道江東偷得去

愛才閨有護詩人

大令治詩經所註稿爲盜竊去

一曲江城五月間同舟仙侶望鄉還草堂他日遙相憶

惠我芳音鼓吹山

大令挈眷寓江右時將歸蜀

海樓大令以唐韓太冲西成歸樂圖屬題卽送歸

蜀

久宦窺田家有如翻舊書物理半遺忘尋則味有餘吾
友王使君示我田家圖山水人牛馬一一工描摹畫者
韓太冲唐代貴且儒美哉宰相筆能繪愚氓愚此意已
可傳王君曰起予出山三十年見圖思遂初購以壓歸
裝勝於珍璫璵仕宦好言歸動慕山澤癯歸急欲縮地
地縮田亦俱家無一畝田恐復爲飢驅君也歸志決先
自謀田廬我知北山文必不移到渠峩峩劍門山蜀道
誠崎嶇使君既有田來往可自如嗟我不能歸送君臨
歧途愧君兼愧畫題成長歎吁

彭雲堦都轉

玉雯

方仲鴻觀察

用儀

兩同年招飲

賞菊賦贈

性情逾淡分逾尊大老新成小隱園家食

君恩兼戚舊

分散俸錢沾溉戚友二公盛德鄉里同稱

民隨官姓卽兒孫

兩

年皆未

還山有約思聯社近市無聲賴閉門如此保全

甯勿勝始知劉許悞華軒

望斷芳塵阻俗埃轉因閒宦得追陪最難佳日逢休沐

爲展重陽勸舉杯風月只談仍不倦雲泥已隔愧非才

山公一醉羣情悅誰道難逢笑口開

寄陳蓮史方伯

山水甲天下桂林在人口屹立中原外不與岳瀆偶於
人爲風骨嶙峋殆天授以自榮利場而可求身手功成
拂袖歸名山終不負我我獨秀峰四海競翹首

歷觀古大儒讀書許稷契往往仕終身立朝無幾日去
就太分明出處似礙窒賢者之所爲眾人安得識天地
運盈虛動靜遞消息固非屢進躁亦豈甘處默九州在
指掌萬類蟠胷臆轉恐高卧人倍覺勞心力

大儒不輕病病卽關國家膏肓非泉石痼疾非煙霞已

並不呻吟而世皆咨嗟公瘦民不肥憂患豈有涯願爲
民祝公努力餐飯加

昔與公頻別頻別頻寄書爲我示吏治恐我迷歧途茲
別已三年悵望一字無公固有心人豈因遠遂疏或者
公身教教以達愈愚公尙在名山奈何我塵衢官卑久
無功尤當賦歸歟不能非不爲長者應諒予

臘八日寄懷史堦並示長女

老懷無可慰年節勉歡詞家室宜春酒江湖餞歲詩禮
防初嫁女經付晚生兒愛汝翻憐我團樂有所思

快甚惟佳壻昂藏七尺身望深譽業進情重得書頻江
國三春樹京華十丈塵看花博親笑笑兼爲婦娛親

望湖亭題壁

難得孤亭剩到今江湖處處有浮沉乘風破浪耽煙月
一樣登臨百樣心

鷓鴣

五湖青草廟黃陵聽到春殘日夜鳴惱懊澤家誰辨得
看來總是別離聲

蝴蝶

似樂無端復似愁，纔穿花底又枝頭。
不知蝴蝶爲何物，累到韓憑死不休。

宦海

來猶逐逐去翩翩，宦海飄蓬古所傳。
若使宦真如海闊，也應容得並頭船。

徐辰伯屬題其夫人梅影樓詩草

摘豔羅芳美不勝，卻因殘缺轉多情。
無端妬煞君家鼠

滿口香吟過一生

序云稿爲鼠
嚙所餘無多

寄張春槎司馬河南

中原振旗鼓此事信君能歌吹千秋接樓臺一嘯登

張居

近嘯臺而來書極道錦鄉笙管之樂

還鄉作都老夸宅示良朋令我懷京

洛緇塵滌未曾

遙遙兩大老相望掩閒門

春槎與南山師聯譜至交今皆歸矣

聯譜爲兄

弟登科見子孫

今科南山師長子與春槎孫同登鄉榜硃卷同時寄到

山河千里

路文字一家言出處應如此非關戀故園

居然衣鉢授發匣意侵尋

以吳城司馬舊印章見寄

便作懷中玉而

非肘後金知公如棄屣令我想題襟慚愧無瓊報瑤箋

寄苦吟

歸亦尋常事遲遲實愧予貧資微吏俸老感故人書艱
鉅才難稱疏狂願易虛報公長太息民也近其魚

吳城述年

大水

有談騾轎夫之惡者作詩爲騾歎

轎夫輿馬用各殊以騾馱轎騾爲夫吁嗟人畜等論價

騾轎夫按頭論價輒與騾同

五羊之鬻良非誣棄子拋妻作夫役飲

食與騾共朝夕一騾所食曾幾何夫也全家仗騾力黃
金布地日買程主人恩重夫力輕媚主要識主性情主
怒但責騾遲行夫盡居功騾獲咎巧哉豪門事奔走自

從主人授以鞭騾優騾劣夫能言騾不能言山猶存長
嘶似語勿呵斥彼此同食主人食

謝夢梅屬題夢梅圖

踏殘塵土癖烟霞癖到通靈現幻花一覺池塘遂千古
從來佳夢屬君家

閒情跌蕩興如飛佳日春秋總不違又是王維雪蕉意

葛衣瀟灑看梅歸

夢境如此

水上春船上琴

各一圖皆夢境也

重重夢境渺難尋乘車噉

杵平常理卻費纏絲阿虎心

一官閒冷萬緣灰
庭院無人長綠苔
往日酒徒尋不得
要尋只向夢中來

鄒鍾泉觀察命題涉海初心圖

觀政如觀海
手掣使瀾安
觀文如觀海
手揮使瀾翻
如海之才世
驚異無人涉
海知公意

九重賴汝濟
作舟四海間
誰清攬轡公
初奏績由汴
梁手挽金隄
如金湯保障
誠知力不易
灌城況遇災
非常決髓淪
肌傾肺腑汴
民愛公如召
杜若非先有
眾志城安得
危區歸樂土
諸艱歷試

聖主知卅年令牧而監司課治屢開登薦剡論勲實足
銘常旂重寄河南又江右百萬天儲付公手但飲西江
水一杯公也初心能不負抱負如斯信弗虛回看宦海
偏躊躇一卷惟持循吏傳千秋已著活民書著書終是
公餘事調燮功將滿天地轉思蘇海與韓潮能傳不獨
憑文字

送朱屏山參軍之任撫州

新校書郎舊酒徒

曾直史館

風流華胄近應無俠才例出良

家子末俗猶知士大夫爲篤交情酬縞紵偶談世事碎

珊瑚與君同歲同肝膽終覺吾儕道不孤

一著游鞭四十春轉因遲鈍重書身縉紳不掛蕭閒吏

屏山言作官三十年而名不列縉紳蓋需次久矣簞簞能修潔淨貧直爲微名

銷歲月若論壯志悔風塵料知無客嘲蠻語且佩參軍

墨綬新

宦游終異旅孤棲一室團欒舉案齊得謝客兒爲令嗣

屏山以勝朱翁子有賢妻聞仇儻甚篤姪爲嗣勝朱翁子有賢妻其篤傲將和樂馴龍性勞

想安閒駐馬蹄偏是舊廬忘不得阮家南北陸東西岼

爲予言世居里廬而令兄采山

殿撰近復有宦成重聚之約

子良寺字

卷一

二

閒官吾已任浮沉卻爲浮蹤感愈深雲水無情頻聚散
江湖有伴且登臨十年舊夢濃於酒一刻春宵重似金
君去要知才抑塞作詩畱待茗堂吟

謂王茗堂

畫蘭歌贈蔣矩亭刺史

昨接蔣侯書作畫窮閉門畫固無不能最能惟畫蘭自
從君具畫蘭手兩袖清風讓君受瀟灑長畱几席間芬
芳暗襲琴書右我聞喜氣乃畫蘭君也窮愁豈花偶蔣
侯蔣侯誰令爾獨愛蘭花猗蘭之操古所嗟濃蘭沅芷
弔屈宋至今幽怨遺長沙崇蘭卻是仙人葩種之瑤臺

玉無瑕瀛洲草綠世矜異爾合產此爲靈芽胡爲委根
逐塵土位置毋乃當門羞國香豈肯入花縣與臺桃李
爭喧譁蕭艾轉肥蘭轉瘦用馨香天妬誰能華蔣侯蔣
侯豈惟花勿愛蘭芷卽論畫事亦可止雲煙滿眼過卽
無絹海膠山皆故紙富兒購畫浪揮金唐戴沈文紛入
市古圖真贗且莫分誰復妍媸能辨爾願君分我筆一
枝君能作畫吾題詩諒君非我無人知君爲倪迂爲顧
癡真氣鬱勃神光馳斂之媚爲蘭依依清泉白石供養
宜伴以玉斗青花瓷爲王者香貢丹墀寶如珊玉當代

希我也濡筆升庭時爲君頌蘭重致詞

題王稷亭記室梅花醉月圖

花天月地酒食場賢聖寂寞英雄狂聖狂萬類等一醉
醒揩醉眼空蒼茫有酒不飲真可惜人世難逢花月夕
破臘迎春又一年盈虛試探梅消息昔我買醉遊京華
侯門豪宴紛奇葩春秋佳日賞不足隆冬擊鼓催唐花
輭紅塵裏照燈月錦樹炫耀盆山誇咄哉桃李屈何惜
屈到鐵石梅槎枒薰蒸轉恐厭雲霧冷淡只合陪煙霞
空山無人問寒夢坐使落盡徒咨嗟先生獨有梅花癖

不畏嚴寒戀泉石，滿身風雪醉通宵。
說與豪華笑岑寂，孤山處士誠幽棲。
君家住近西湖西，我亦南枝嶺外客。
一別羅浮疑路迷，官閣相逢快握手。
何遜觀梅恣詩酒，身離城市志山林。
爲約青山訪紅友，嗚呼安得一生坐。
卧對此圖有花有月有酒壺，壺中能住卽蓬島。
明月長圓花正好，何須更覓駐景丹圖畫。
中人從不老。

題王稷亭洗桐圖

況受風泉洗一番，先生清本越塵寰。
梧桐百尺童三尺，轉覺孤高不可攀。

虛聲歎

談瓊漿不如飲水酒夢貂裘不如衣露肘吁嗟乎侈虛
聲者何物不然君不見南箕北斗臨淵羨魚不如歸理
敝笥入市看寶不如家享敝帚吁嗟乎溺虛聲者何事
不爲君不見蠅營狗苟

憶饒州舊遊寄沈槐卿

一紙殷勤寄所思舊遊如昨幾經時賓朋聚散鄱陽帖
世事升沉薦福碑到岸笙歌停客舫出山雲雨夢靈祠

自別芝山後
時復夢遊

於今五老峰應笑笑我重來兩鬢絲

題林黼堂丈

光壁詩稿

勝跡經多俗慮空
遨遊隨處佩吟筒
三千行路開逾健
五十爲詩晚更工
造福看兒春酒綠

時就養長君霞巖參軍吉州署中

論文畱客夜燈紅
乾坤清氣談何易
白鷺青原竟付公

詠古

始終寡婦孤兒局
生死兄弟後心黃
正換袍紅映燭
眼花論史夜沉沉

苦熱集同人消夏卽事口占

安排節物賞時光
卻笑年年熱一場
直以浮沉作消遣

不知爪李爲誰忙

哭詒盛

哭甚不知傷慘慟歲忽易迂哉情生文哭復到筆墨何
者是墨痕母乃淚亂滴汝生廿五年噉藥多於食轉因
死幸病使我望早寂汝生固不惡溫飽得官職一事未
了耳有婦無子息兩母四兄妹吳宜人周宜人長泉下
男次男四女五女泉下
頗悅憐汝死亦誠樂何苦生病瘠汝父老勿念健可自
扶翼況尙有兒女團圞日繞鄰汝弟幼甚聰可以付書
籍何必爲汝悲悲亦何所益但願汝安樂生死隨所適

一語卻囑汝再世生要擇勿苦求才賢但求好福澤汝
父骨已屯安問德不德囑汝念汝弟此意戒勿識

竹深荷淨圖爲胡心蓮郡伯題

江東才人貴於玉曾蔭清華木天木史館朝開校竹書
翰林晚退燒蓮燭文章政事兩不羣一麾出守爲番君
荷蓋筍輿入泉石風流太守無人識太守雖風流後樂
卻先憂鄱湖洪水生連歲夏及秋戊申己酉連年水災報災疊疊
愁眉蹙眠食無心況遊矚不知幕府正蓮開但覺簿書
如筍束斯民其爲魚太守敢安居斯民免沉陸太守樂

茅屋茅屋之樂皆經綸手安萬戶閒一身樂亦不獨樂
有童子有鶴一童煮靈芽太守不喫趙州茶一童進麈
拂太守不用王謝物沉吟據石坐無聲側頭偏有老鶴
聽轉思民樂官纔暇看戲蓮人騎竹馬吳梅村有詩清涼
境界無處無何須結想歸林下

送張象之大令

炳堃罷官歸蜀

無端得馬又亡羊此去知君悔宦場豈有書生能讀律
每聞循吏掛彈章升沉亦復誰能料榮辱由來不易忘
怨李恩牛終一散眼前淪落轉堪傷

奕奕峨眉是故山
還山無計黯愁看
川流到海何時復
蜀道如天自古難
況爾鸞凰棲枳棘
有誰驚馬贈鞭鞍
倚門轉憶親心苦
日望歸如趙璧完

賀鄧厚南郡伯

仁堊

保薦

丈夫榮進非所慕
必有殊能始殊遇
三年太守漢公卿
一代才人楚詞賦
君才嶽麓靈淑收
年少一出拔其尤

登拔
萃科

遠謨要振千秋業
小試先爲百里侯
讀書殺賊真

男子儒官乃以軍
功起兵氣平消燹
爨煙凱歌快渡瀘

江水

作令四川
軍功議叙

功成赤縣開黃堂
一麾西蜀來西江
文

成勲業始南贛遞封新建光南昌

由南安
調南昌

翠羽華冠彰

帝錫

賞戴花翎

聲施所至羣矜式君合論才管樂間我慚言

政龔黃側轉思君政無不優第一功在迴狂流道光戊
申越己酉連年沉陸民填溝君時握要居首郡合十四
郡爲諮訊散財發粟慮帑絀上官解帶僚集裘裴公損
餘補不足士商婉勸非窮搜盡籌鋪畚夜運筆病軀弗
恤拚焦憂斯民受福君受賞奏之

天子功宜酬大府薦章正欲上

聖人側席先旁求卽看不次遷擢去卻恐君去江民愁

嗚呼我

朝仁政勤災賑百萬水衡錢不靳但教

溫卹詔能宣遂許循良書特進今

皇嗣位德愈隆痼瘵倍切窮黎疾願將昏墊下民心上

答

憂勤前席問

送劉詹嚴殿撰奉召北上

屢辭親命爲親留奉

召親催赴

子良詩存

卷十

五

帝州時殿撰告養在籍自言陶侃功成慈母樂邵雍

賢隱相臣憂國也知忠孝難兼盡若論行藏已熟籌

矯激何關家國事高風只合讓閒鷗殿撰留別詩有敢為矯激慕高風句

答詹巖殿撰吳城阻風見贈之作

君召親催敢憚馳江鄉聊駐轉縈思阻風味耐閒閒好

愛日心畱去去遲前路馬當滕閣賦今宵蟾彩庾樓詩

時值關津下吏慚迎送記餞湖亭又一時

題詹巖殿撰近稿兼以誌別

纔出名山首重回別愁吟興一時催江干駐馬才人合

謂章門送行諸公湖上題襟俗吏陪杯酒有情邀月飲和帆無

恙待風開無端燦作雲霞色得句先書望闕臺

酬殿撰卽事詩

殿撰自序云八月十四日舟中風浪愈甚秉燭爲人作書得東坡楊

康公札云兩日大風孤舟掀舞雪浪中但閉戶擁衾瞑目塊坐耳楊次公惠法醞一器小酌徑醉醉中與公作醉道士石歌託楚守寄去一笑書至此而吳城司馬送酒使至一時情事前後適符感成長句以謝並紀其事

無端觸撥興遄飛文字因緣處處宜正欲求書來米舫偶然送酒得陶詩勢翻鯨浪方千變跡合鴻泥亦一奇曾是蘇公遊覽過望湖亭下轉尋思

殿撰舟發十里阻風回泊吳城賦詩見投作此以

和

乍翔旋集感浮蹤終是雲霄遇順鴻仕宦競誇飛過海
神仙仍怕引迴風速遲有數難操券去住無心易轉篷
料不輕行行便壯爲君重唱大江東

喜招鶴舟自粵至飲酒有贈

肝胆論交更有誰十年相聚忍相違賓朋散盡憐君在
險阻經多勸我歸談虎不驚終帶怯食能何益便能肥
於今煩惱消除後轉覺回頭事事非

棲遲零落老何堪
杯酒逢君且共銜
五簋留賓三白飯
十年作宦一青衫
人心不測伊胡底
吾舌猶存孰可談
莫謂憂貧歸有待
窮途誰贈故人驂

贈門人黃子鴻秀才

振遠

笑我作縣官未脫書生氣
暇則聚生徒隱居以求志

謂永

豐求志書院

豐陽一別近十年
生徒聚散如雲烟
科名不少

聯鑣起吁嗟落拓子
鴻子子鴻子爾祖爲涪翁
江西詩派今猶宗
傳巖一試雄海內
宜州屢謫悲寰中
詩書門第貧無補
諸生悔被儒冠悞
學易空嗟老服虔
工詩誰

識窮何武胡爲讀書不開關開關卻掃良亦難年年作
客塵中走衣如飛鶻馬如狗屢上不中第訪我來江干
君旣爲寒儒我亦居寒官官厨冷落食不飽君雖諒我
能無歎嗚呼男兒讀書有用致身須顯職不曰斯朱不
烹卽食斗米折腰真可惜徒然富五車飽六籍未能庇
單寒安免笑沉寂呼觥擊劍鳴不平與君共上望湖亭
東湖浪起西湖驚倏忽變幻天無情老蛟伏泣驕龍騰
便不風雨神冥冥忽見匡山轉延佇李白騎鯨渺何去
空留一角讀書臺低昂隱現雲深處

簡仁燃招同同鄉諸君子讌集旅館賦贈

道義爲生計如君不易尋壯遊男子業忠告古人心

簡性

端方一務正業同人有陽遊者必力規之至足敬也鄉黨聲名重江湖歲月深

臧期邂逅相與話蒼岑

客中情易洽況復聚鄉親桑落故園酒梅花隔嶺人選

遊須勝地行樂及良辰愛爾光明室能來不厭頻

喜逢親友至

招鶴舟劉肯堂方自粵還吳

問訊轉傷情歧路方爲客

家山正用兵

時粵中匪徒滋事

持杯談世事看劍感生平早切

漫藏戒萑苻未足驚

寂寂官何補吾慚負歲華五湖聊作長四海豈爲家宦
興隨流水鄉心寄落霞愛君還自愛珍重玉無瑕

同余少寬

鑒

黃藜齋

文尉

兩先生暨霓仙壻建平

姪豐兒遊小九華寺有作

冷官情淡未緣慳遊侶招邀往復還門外煙花雙股壠

吳城香胡同青樓也地與小九華接近俗傳香胡同爲雙股龍之訛蓋兩山會合處

座中香火九

華山虎龍伏法昭僧戒

寺中戒條有三鐵棒九銅鎚之目

鷗鷺忘機導

客閒誰道塵襟拋不得西風吹散水雲間

貪愛噴癡豈易平名山纔到便心清只除課竹無餘事

寺僧以種竹爲生計特爲開樨有此行寺後老桂數株官遊
仍佛伴陶公與從亦門生謂兩先生護紗還帶誰能料且復
題詩記姓名

壽黎雪濤年伯大鯨七十

種福知公雨澤均鯉庭桃李綠陰新有兒能化三千土
此手曾援億萬人功在鄉閭爲隱吏老無榮落是長春
一圓善事一杯酒想見先生醉漉巾